



نأناه روحية

نفهم الإيمان واحدة واحدة

نصوص الفيديوهاات كما قيلت
مرتبة للقراءة والرجوع السريع

١٦ موضوعاً

فهرس تفاعلي | تصنيف موضوعي | روابط مباشرة

الإصدار الأول

كتاب نصوص فيديوهاات نأناه روحية

الموضوعات

اضغط على عنوان أي موضوع للانتقال مباشرة إلى النص

أساسيات العقيدة



ليه كان لازم ربنا يتجسد؟
التجسد والفداء



الثالوث والجبل المقدس
الثالوث والجوهر



حوار حول الثالوث مع القديس كيرلس
الثالوث والجوهر



كلمة تفرق كثير: معنى الابن الوحيد
المسيح والجوهر



الإيمان والعقيدة والعقل
مدخل إلى العقيدة



صفات لازم تعرفها عن ربنا: الأوسيا
الثالوث والجوهر



نؤمن بالله واحد
قانون الإيمان



هل المسيح إله أم مخلوق؟ قصة هيلاري والثالوث
الثالوث والجوهر

الخلاص والقيامة



الكفن المقدس
القيامة وشواهدا



أعظم محاكمة في التاريخ
أسبوع الآلام



عقيدة قيامة الأموات
القيامة والحياة الأبدية

الموضوعات

اضغط على عنوان أي موضوع للانتقال مباشرة إلى النص

حياة الكنيسة والأسرار



سر الإفخارستيا

الأسرار والليتورجيا

الكتاب المقدس ودراسته



المخطوطات دليل على انتقال نص الكتاب المقدس

المخطوطات والنقد النصي



ليه استحالة تحريف الكتاب المقدس؟

انتقال النص



نأنأه في أسفار موسى الخمسة

أسفار موسى الخمسة



يونان: حقيقة أم خيال؟

شخصيات العهد القديم

ليه كان لازم ربنا يتجسد؟

التجسد والفداء

الفكرة في دقيقة رحلة من سقوط الإنسان إلى تجسد كلمة الله، ولماذا ارتبط الخلاص بتجديد الطبيعة البشرية.

✦ **لقطة سريعة داخل الفيديو** بعد شرح مشكلة الإنسان: لماذا كان التجسد في قلب طريق الخلاص؟

[شاهد الفيديو ↗ العودة إلى الموضوعات ↑](#)

ليه كان لازم ربنا يتجسد؟

لو ربنا محبة وغفور، ليه كان لازم يتجسد أصلًا؟
وليه مكانش ممكن يخلص الإنسان بأي طريقة تانية؟

أهلاً بيكم في نأاة روحية

...تعالوا نرجع للبداية

كان يا مكان، فيه ملك عظيم، صلاحه ومحبه بلا حدود. قرر يبني مدينة مفيش في جمالها ولا روعتها، وخلق فيها سكان يحبهم ويعيشوا معاه في شركة وفرح دائم

الملك ده مكنش محتاج للبشر في حاجة، لكنه من كتر طبيته خلقهم من العدم، واداهم أعظم هدية ممكن ياخذها مخلوق: إنه خلقهم على صورته ومثاله، واداهم العقل والحرية عشان يعرفوه ويعيشوا معاه في سعادة أبدية

لكن حذرهم من حاجة واحدة

"لو خالفتوا أمري، هتفقدوا النعمة دي، وهتموتوا وترجعوا للتراب اللي جيتوا منه"

وللأسف، السكان سمعوا كلام عدو الملك، الشيطان، وسقطوا في الخطية

...وهنا بدأت المشكلة

الملك دلوقتي قدام أمرين ظاهرهم متعارضين

أولاً: صدق الملك

الملك قال: "موتًا تموت"، فلازم الحكم يتنفذ، وإلا يبقى كلام الملك مش صادق

وثانيًا: صلاح الملك

هل يسبب أجمل خليفة صنعها تضيع وتفسد وترجع للعدم بسبب خداع الشيطان؟

طيب... هل التوبة لوحدها كانت كفاية؟

القديس أثناسيوس الرسولي يقول

"التوبة توقف الخطية، لكنها لا ترفع الموت الذي دخل إلى طبيعة الإنسان"

إدًا... مين يقدر يحل المشكلة دي؟

مفيش غير كلمة الله الابن

وليه؟

أولاً: لأنه هو اللي خلق الإنسان من العدم في البداية، فهو الوحيد القادر أن يجدد الخليقة
وثانياً: لأنه هو صورة الآب، فكان لازم يبجي بنفسه عشان يرجع الصورة الإلهية للإنسان بعد ما تشوهت
بالخطية.

...وهنا نصل لأعظم حدث في التاريخ

.كلمة الله نزل إلى مدينتنا

.أخذ جسداً بشرياً حقيقياً من العذراء مريم، وصار إنساناً مثلنا، ليحارب في ملعبنا وبأدواتنا

.ومن هنا بدأت المعركة

.المسيح، كلمة الله المتجسد، عمل حاجتين في وقت واحد

أولاً: دفع الدين

.قدم جسده للموت نيابة عن الجميع، ليحقق العدل الإلهي ويدفع عقوبة الموت التي استحققتها

.وثانياً: غلب الموت

.لأنه هو الحياة نفسها، لم يستطع الموت أن يمسكه، فقام من بين الأموات وكسر شوكة الموت لحسابنا

طيب... ليه مات على الصليب بالذات؟

:القديس أثناسيوس يشرح أن الصليب كان ضرورياً

أولاً: ليكون موته علنياً أمام الجميع، فلا يشك أحد في قيامته

ثانياً: وهو مرفوع على الصليب، طهر الهواء من سلطان الأرواح الشريرة

.وثالثاً: فتح ذراعيه ليجمع اليهود والأمم في جسد واحد

:ويبقى سؤال مهم

هل يمكن أن الله يُحبس داخل جسد؟

:القديس أثناسيوس يجاوب بمثال جميل

.الشمس تملأ الأرض كلها بنورها، لكنها لا تُحبس داخل الأرض ولا تتنجس بما عليها

.هكذا كان المسيح

.كان حاضراً في الجسد، وفي نفس الوقت يملأ الكون كله بلاهوته

والدليل؟

أعماله.

فتح أعين العميان، وأقام الموتى، وصنع المعجزات، وأعلن أن الساكن في هذا الجسد ليس إنسانًا عاديًا، بل خالق الطبيعة نفسه.

...الخلاصة

القصة بدأت بملك خلقنا بالحب.

ولما ضيعنا أنفسنا، لم يرسل ملاكًا ولا نبيًا ليحل المشكلة.

بل نزل هو بنفسه، وأخذ جسدنا، ليأخذ ما لنا: الموت والفساد.

ويعطينا ما له: الحياة الأبدية والقداسة.

لذلك يقول القديس أثناسيوس

:"صار الله إنسانًا، لكي يصير الإنسان شريكًا في الحياة الإلهية"

سلامات

الثالوث والجبل المقدس

الثالوث والجوهر

الفكرة في دقيقة تشبيه رحلة صعود الجبل يقدم مدخلاً مبسطاً لوحداية الله وتميّز الأقانيم.
✦ **لقطة سريعة داخل الفيديو** بعد تشبيه الجبل: ما العبارة الأدق عن وحدانية الله والثالوث؟

[شاهد الفيديو ↗ العودة إلى الموضوعات ↑](#)

الثالوث والجبل المقدس

:تخيل إنك واقف أمام جبل شاهق الارتفاع، وقبل ما تبدأ رحلة الصعود، حد بيقولك
".الجبل ده له قمة واحدة... لكن عشان توصل للقمة لازم تمشي في ثلاث طرق مختلفة"
:أكيد أول سؤال هيجي في بالك

إزاي؟

إزاي يكون فيه ثلاث طرق، وفي نفس الوقت يوصلوا لقمة واحدة؟
.ودي بالضبط الحيرة اللي بتقابل ناس كتير لما تسمع عن الثالوث
إزاي المسيحيين بيقولوا إن الله واحد، وفي نفس الوقت بيتكلموا عن الآب والابن والروح القدس؟
هل ده معناه ثلاثة آلهة؟

ولا مجرد أسماء مختلفة لشخص واحد؟

ولا فيه حقيقة أعمق من كده؟

أهلاً بيكم في نأاة روحية

تعالوا نبدأ رحلة صعود الجبل خطوة خطوة، ونشوف كيف أعلن الله عن نفسه عبر الكتاب المقدس، وكيف فهم الآباء
الأوائل هذا السر العظيم

المرحلة الأولى: القاعدة – صدمة الأرقام

.المنطق البشري بيقول إن الله لازم يكون واحد، لأن لو فيه إله ثاني يبقى الأولاني مش كلي القدرة
والمسيحية مش جاية تكسر المنطق ده

.إحنا بنؤمن بإله واحد، بجوهر واحد، يعني طبيعة لاهوتية واحدة بسيطة غير مركبة

.لكن الجوهر الواحد ده قائم في ثلاثة أقانيم: الآب والابن والروح القدس

.الأقنوم مش جزء من الله، ومش إله مستقل عن الباقيين

.الأقنوم هو الله بالكامل، لكن بطريقة تميزه عن الأقنومين الآخرين

.والثلاثة متساويين في المجد، والأزلية، والقدرة، لكنهم متميزون

.وبما أن الله غير محدود، فليس أمامنا ثلاثة آلهة، بل إله واحد أعلن ذاته بهذا الشكل الفريد

:ومع أول خطوة في الصعود، يبدأ سؤال جديد في الظهور

هل فكرة الثالوث ظهرت فجأة في العهد الجديد؟

أم أن الله كان يلوح إليها منذ البداية؟

المرحلة الثانية: خيوط الفجر – إشارات العهد القديم

وإحنا بنبدأ نطلع الجبل، بنلاقي خيوط فجر غريبة في أول صفحات الكتاب المقدس

ربنا وهو بيخلق العالم قال

نعمل الإنسان على صورتنا كشبهنا. (تكوين 1: 26)"

ليه قال "نعمل" بالجمع؟

القديس كيرلس الكبير يقول إن ده حوار داخلي بين الأقانيم داخل الجوهر الواحد

وبعدين نشوف إبراهيم الخليل واقف قدام خيمته، ويظهر له ثلاثة، لكنه يسجد لواحد ويقول

"يا سيد"

ونسمع الملائكة في إشعياء 6 بتقول

"قدوس، قدوس، قدوس"

القديس أمبروسيوس يقول إن تكرار الكلمة ثلاث مرات هو إعلان عن تمايز الأقانيم، لكن الرب واحد

...لكن كل دي كانت مجرد خيوط فجر

أما نور النهار الكامل فكان لسه جاي

المرحلة الثالثة: نور الظهيرة – الإعلان الكامل

كل ما بنطلع لفوق، الصورة بتوضح أكثر

عند نهر الأردن، الستارة اتكشفت

الابن في المياه

الروح القدس في هيئة حمامة

وصوت الآب من السماء

هنا مفيش رموز ولا تلميحات

دي حقيقة أعلنت نفسها

وقبل ما المسيح يودع تلاميذه، ساب ليهم القاعدة اللي الكنيسة كلها ماشية عليها

عمدوهم باسم الآب والابن والروح القدس. (متى 28: 19)"

"لاحظ إن المسيح قال "باسم" مش "بأسماء"

كلمة واحدة تجمع الثلاثة في سلطان إلهي واحد

لكن إزاي فهم أوائل المسيحيين الحقيقة دي؟

تعالوا نسأل الناس اللي طلوعوا الجبل قبلنا

المرحلة الرابعة: شهادة المتسلقين الأوائل – الآباء الرسولين

وصلنا لمنطقة عالية في الجبل، وبنسأل الناس اللي طلّعوا قبلنا، الآباء اللي شافوا الرسل:
القديس إغناطيوس الأنطاكي، تلميذ يوحنا الحبيب، كان يقول بكل ثقة
".المسيح هو إلها"

.وإنه متحد بالآب والروح القدس زي خيوط النسيج الواحد
:والقديس كليمنس الروماني كان بيؤكد على حياتهم الواحدة ويقول
".حي هو الله، وحي هو الرب يسوع ال مسيح، وحي هو الروح القدس"
الناس دي معملوش فلسفة

.هما سلموا الإيمان اللي استلموه وعاشوه
:لكن يفضل السؤال

هل فيه طريقة تقرب الصورة لعقولنا؟
المرحلة الخامسة: القمة – المنطق والتشبيه
دلوقتي إحنا على القمة، وبنسأل القديس كيرلس الكبير يقربلنا الصورة شوية
:فيقول

.بصوا للشمس
فيها قرص الشمس، والشعاع، والحرارة
هل تقدر تفصل الشعاع عن الشمس؟
مستحيل
هما واحد في الكيان، لكن الشعاع مش هو القرص، والحرارة طالعة منهم الاثنين
وزي العقل والكلمة

.عقلك بيولد كلمة، والكلمة طالعة من العقل ومستقرة فيه في نفس الوقت
ومستحيل يكون فيه عقل من غير كلمة أو حكمة
لكن خلي بالك

.كل التشبيهات دي مجرد تقريب للفهم
أما الله فيبطل أعظم من أي مثال وأكبر من أي تشبيه
المواجهة الأخيرة: هل الثالوث اختراع بشري؟
وصلنا لأهم سؤال

هل إحنا اللي ألفنا الحكاية دي؟

لو الإنسان حب يخترع إله، هيخترع إله سهل الفهم

إله عددي

يا واحد وحيد، يا آلهة كثير

لكن إنه يحط عقيدة عميقة بالشكل ده، وتخليه يتعرض للاضطهاد من اليهود والوثنيين، ده معناه إنها حقيقة استلمها، مش فكرة اخترعها

:القديس كيرلس الكبير يقول

"ذهن الإنسان يتصف بالسطحية، واللغة البشرية أضعف من إنها تحيط بسر الثالوث"

فإزاي للعقل البشري المحدود إنه يخترع فكرة هو نفسه مش قادر يحيط بكل أبعادها؟

الثالوث مش اختراع

الثالوث هو إعلان الله عن نفسه

الله مش مجرد رقم

الله هو حب أزلي بين الآب والابن والروح القدس

ولو كان الله مجرد واحد وحيد، ما كانش يوصف بأنه محبة قبل الخليقة

لكن بالثالوث عرفنا إن الله محبة في ذاته منذ الأزل

...وفي النهاية

لو كان الله مجرد رقم، كنا فهمناه بالعقل

لكن لأن الله كيان حب غير محدود، فيفضل الثالوث هو السر اللي بنقف قدامه بخشوع

إحنا مش بنحاول نحل لغز

إحنا بنحاول نتعرف على الله كما أعلن نفسه لنا

الخلاصة

:الثالوث هو الإجابة على سؤال

"من هو الله؟"

هو الإله الذي محبته أعمق من أن تُختصر في رقم، وأعظم من أن تُحصر في تعريف

إله واحد

أعلن نفسه كآبٍ وابنٍ وروحٍ قدس

...إله واحد يبحبك

وعايزك تكون ابن ليه

سلامات

حوار حول الثالوث مع القديس كيرلس

الثالوث والجوهر

الفكرة في دقيقة حوار تعليمي عن أزلية الابن، ومساواته للآب في الجوهر، ولاهوت الروح القدس.

✦ **لقطة سريعة داخل الفيديو** بحسب الحوار: الابن بالنسبة للآب هو ماذا؟

[شاهد الفيديو ↗ العودة إلى الموضوعات ↑](#)

اربيكم ... اكيد فكرت قبل كذا ازاي احنا بنقول اتنا نؤمن باله واحد مساوى للاب فى الجوهر مولود و غير مخلوق وازاي الابن و هو الله يجوع و يتعب ؟ و سألت اية هو بالظبط الروح القدس ؟

انت مش لوحده زمان كل الاسئلة دى دارت فى دماغ ارميا تلميذ البابا كيرلس المعروف بعمود الدين و اتناقش بيها معاه علشان كان محتاج يفهم الايمان بشكل مبسط فتعالوا نرجع بالزمن لسنة 425 م فمدرسة الاسكندرية اللاهوتية عشان نشوف البابا وهو يجاوب بمحبة على الاسئلة اللى بيسألها تلميذه ارميا.

اهلا بيكم فى نأناه روحية

يقول ارميا اول حاجة ان تعبر (مساوي في الجوهر) اللى بنقوله فى قانون الايمان مش موجود فى الإنجيل!

وبرد عليه البابا كيرلس ويقول له ان فى الإنجيل كلمات زي (غير مادي أو غير مرئي) رغم انها مش مكتوبة بالنص بس معناهم موجود وواضح عن ربنا ، وكمان مينفعش نقول ان الابن شبه الآب لأن كلمة “شبه” دي بتتقال على المخلوقات لكن الابن هو نفس مجد الآب ونفس جوهره.

والجوهر يعني الطبيعة العامة المشتركة (زي إن كلنا بشر) اما الأقنوم فيعني الشخص المميز (زي بطرس أو بولس) يعنى ربنا واحد في الجوهر، لكن فى ثلاثة أقانيم مميزين... من غير ما يكون في انفصال بينهم.

بيسأله ارميا طيب إزاي الآب أب والابن مولود، ومع كده الاتنين موجودين من الأزل ؟

بيبتسم القديس كيرلس ويقول له: عمرك شفت شمس من غير شعاع؟ أكيد لا ، الشعاع بيطلع من الشمس لكنه عمره ما ينفصل عنها وزي ما الشعاع من الشمس كده الابن من الآب .. موجود معاه من الأزل من غير بداية ولا انقسام.

فبقاطعة ارميا و قال: يمكن الآب بإرادته أوجد الابن، يعني يبقى مخلوق !

فرد القديس كيرلس بهدوء: لآ... دي مش مسألة اختيار، دي طبيعة زي ما ربنا صالح وقدوس بطبيعته، هو كمان أب من الأزل بطبيعته .

يقول ارميا طب ما كدا ممكن يكون الابن مجرد وسيط مخلوق زي أداة في إيد نحار
بيستخدمها عشان يخلق العالم؟!

لكن القديس كيرلس بيرد بقوة ويقول : الابن مش أداة ده كلمة الله نفسه، وقدرته اللي بيه
اتخلق كل شيء.

ولو كان الابن مخلوق... إزاي المخلوق يخلق ؟! إزاي تتشابه صفات الخالق فى مخلوق ؟!
فكل مجد الآب وكل صفاته زي الحياة والقدرة والسيادة هي نفسها للابن ، مش حاجة معطاه
ليه لكن دى طبيعته لأنه ببساطة هو صورة الآب الحقيقية وختم جوهره.

فيرجع ارميا يسأل فى حيره : إذا كان الابن هو الله ، إزاي يحوع ويتعب ، و كمان يقول إنه لا
يعرف الساعة؟

لكن القديس كيرلس بدأ يشرح ببساطة وقال : دي حاجة اسمها التدبير الإلهي... يعني ربنا لما
جه وليس طبيعتنا البشرية كل الحاجات اللي فيها ضعف زي الجوع والتعب دي تنسب للطبيعة
البشرية اللي المسيح أخذها علشان يخلصنا لكن في نفس الوقت كل القوة والمعجزات
والعظمة دي تنسب للاهوته.

وشبه الفكرة زي النار لما تمسك في حته حديد... الحديد بيسخن ويحمر، لكنه يفضل حديد
والنار بتفضل نار.

الأتنين متحدين لكن من غير ما يختلطوا أو يفصلوا.

وفى الآخر يسأل ارميا البابا كيرلس عن طبيعة الروح القدس.

و بيرد البابا عليه بحكمة ويقول : الروح القدس مش مجرد عطية من ربنا ولا خادم بيشتغل
بأمره... ده إله بطبيعته، منبثق من الآب ومستقر في الابن .

وبعدين جاب مثال من الكتاب المقدس قصة حنانيا وسفيرة... وقال إنهم لما كذبوا على الروح
القدس كانوا في الحقيقة بيكذبوا على الله نفسه.

فالروح القدس مش قوة أو طاقة ولكن هو شخص إلهي حقيقي .

الروح القدس هو اللي بيختم فينا صورة ربنا، وبيخلينا شركاء الطبيعة الإلهية، ومن غيره عمرنا
ما نقدر نتحد بالمسيح أو نوصل للقداسة.

الخلاصة

انتهت رحلتنا فى الماضى لكن أثرها هيفضل معنا ، لان القديس كيرلس كان هدفه مش مجرد يرد على أسئلة تلميذة ارميا أو يكسب نقاش لكن إنه يخلينا نفهم إن عقيدة الثالوث مش معادلات صعبة لكنها حياة بنعيشها وخلص بنتمسك بيه فى الحاضر و المستقبل.

وفى النهاية بيرحل القديس كيرلس عن عالمنا ولكن كلمته بتفضل عايشة فى القلوب :
"واحد هو الله، الآب والابن والروح القدس، له المجد إلى الأبد."

سلاامات

كلمة تفرق كثير: معنى الابن الوحيد

المسيح والجوهر

الفكرة في دقيقة شرح لمعنى تعبير «الابن الوحيد» ودلالته في الحديث عن شخص السيد المسيح.

✦ **لقطة سريعة داخل الفيديو** بعد شرح الكلمة: هل المقصود ترتيب عددي أم فرادة الابن؟

[شاهد الفيديو ↗ العودة إلى الموضوعات ↑](#)

كلمة تفرق كثير

"موكوساتسو Mokusatsu" (黙殺) دى الكلمة اللي رد بيها رئيس الوزراء اليابانى على الانذار اللي وجهته الحلفاء لليابان للاستسلام بشكل كامل من غير شروط و الا هتواجه دمار شامل وهنا بدأ سوء الفهم... الكلمة ليها معنيين : "تجاهل تام" أو "لا تعليق حالياً" و النتيجة انه بعدها بترمى امريكا القنبلة النووية على اليابان و بيموت اكثر من ٢٠٠ الف شخص

زي ما كلمة "موكوساتسو" كانت هي الكلمة اللي دمرت اليابان ، كان مصطلح "الابن الوحيد" في المسيحية هو "المصطلح الذى دمر بدعة أريوس أهلاً بيكم فى نائاة روحية

• وعشان نفهم الكلمة دي، لازم نغوص في أصلها اليوناني، الكلمة هي "مونوجينيس (μονογενής)" الكلمة دي مش مجرد كلمة عادية، دي مقسومة لجزئين: الجزء الأول "مونوس (μόνος)" ومعناه الوحيد أو الفريد، والجزء الثاني "جينوس (γένος)" ومعناه جنس أو نوع أو عائلة. فالمعنى هنا مش "الابن رقم واحد" في العدد، لكن معناه "الفريد في نوعه"، يعني اللي ملوش مثيل في جوهره وطبيعته.

• الكلمة دي بتختلف تماماً عن كلمات تانية زي "هوموجينيس (ὁμογενής)" اللي معناها من نفس النوع بس، أو "هوموفيلوس (ὁμόφυλος)" اللي بتشير لنفس العرق.

حتى الفلاسفة زمان زي "أفلاطون" استخدموا نفس المصطلح "مونوجينيس" (μονογενής) عشان يوصفوا الكون الفريد اللي ملوش شبيه (οὐρανός). والحكاية ليها جذور أعمق في العهد القديم، لما الله قال لإبراهيم "خذ ابنك وحيدك" عن إسحق، وبالعبري الكلمة كانت "ياحيد" (יָחִיד) ، ورغم إن إبراهيم كان عنده إسماعيل، بس إسحق اتوصف بالوحيد لأنه كان "المحبيب والفريد والموعود"، ولما الترجمة السبعينية نقلت النص لليوناني استخدمت كلمة "مونوجينيس (μονογενής)" عشان تعبر عن التميز ده

- في العهد الجديد، المصطلح ده ذكر ٩ مرات .القديس لوقا استخدمه ٣ مرات لوصف حالات إنسانية (ابن أرملة نايبين، وابنة يايرس، والابن المصروع)، وهنا كان بيوصف "الوحيد" في العائلة [١٧، ١٨].
 - لكن القديس يوحنا الحبيب أخذ المصطلح لبعده لاهوتي عميق جداً واستخدمه ٥ مرات .في إنجيله، يوحنا بياكد إن المسيح هو "الابن الوحيد (ὁ μονογενής υἱός)" اللي في حضن الآب، وهو اللي "خبر" وكشف لنا طبيعة الله .والمرة التاسعة كانت في الرسالة إلى العبرانيين عن تقديم إسحق كرمز للمسيح .
 - الآباء زي القديس أثناسيوس الرسولي والقديس كيرلس الكبير، دققوا جداً في الفرق بين "ابن الله" و"ابن الله الوحيد" .قالوا إننا كلنا ممكن نكون "أبناء الله" بس بالتبني والنعمة من خلال المعمودية، وبنسبي ده بنوة تشريفية. لكن المسيح هو "الوحيد" لأنه مولود من "جوهر الآب" مش مخلوق، هو "نور من نور وإله حق من إله حق" . والقديس كيرلس قالها بوضوح: "الابن الوحيد هو وحده بالطبيعة الابن" .
- وعشان كدة، لما بنشوف الترجمات المختلفة، بنلاقي "فاندايك" سماها "الابن الوحيد" متأثر بالترجمة اللاتينية (unigenitus)، وفي ترجمات تانية زي "اليسوعية" سمتها "الابن الفريد" عشان توصل نفس المعنى اللغوي العميق
- الحكاية كلها بتتلخص في إن المصطلح ده هو حجر الزاوية اللي بيعرفنا مين هو المسيح؛ هو مش مجرد نبي أو إنسان عظيم، هو الابن الفريد اللي بيشارك الآب في ذات الطبيعة الإلهية، والوحيد اللي قدر بمحبته يفتح لنا باب البنوة لله بالنعمة. وبكدة بياكد إن إيمان الكنيسة ثابت من وقت الرسل والآباء اللي فهموا إن "الوحيد" تعني "الفريد في الجوهر" .

سلاالمات

أساسيات العقيدة ← مدخل إلى العقيدة نص الفيديو

الإيمان والعقيدة والعقل

مدخل إلى العقيدة

الفكرة في دقيقة تشبيه مبسّط للعلاقة بين الإيمان والعقيدة والعقل في الحياة المسيحية.

✦ **لقطة سريعة داخل الفيديو** في تشبيه أصحاب الكنز: ما الذي مثّل الخريطة والبوصلة؟

[شاهد الفيديو ↗ العودة إلى الموضوعات ↑](#)

كان فى ثلاثة أصحاب بيدوروا على كنز عظيم هيفير حياتهم الأول (الإيمان): قال انا متأكد ان الكنز موجود بجد، وخذ الخطوة الأولى وبدأ الحركة.

الثاني (العقيدة): مسك الخريطة وبقى البوصلة اللي بتحميهم من التوهان والطرق الغلط.

الثالث (العقل): قعد يفكر ويخطط إزاي يحلوا المشاكل ويعدوا العقبات بحكمة.

كل واحد لوحدة معرفش يوصل للكنز لكن لما الثلاثة بيتحدوا مع بعض بيوصلوا للكنز الحقيقي.

اهلاً بيكم فى نأناة روحية

ربنا مش بعيد عننا ، ربنا بيحب البشر وعاييزهم يعرفوه، فعرفنا بنفسه ودا اسمه **الاعلان الالهى** و اللى ممكن نقسمه ل:

- اعلان طبيعى: اللى هو ان ربنا سايب "بصمته" فى كل حاجة فى جمال الكون، فى أحداث التاريخ، وحتى فى صوت الضمير جوه كل إنسان.

- اعلان فوق طبيعى: وده اللي ربنا قاله " بطريقة مباشرة" للأنبياء والرسل، ووصل لقمته لما ربنا "تجسد" فى شخص السيد المسيح وكلمنا وجهاً لوجه.

والعقيدة مش مجرد كلمات ثقيلة أو قوانين ، دي دراسة "علمية" للحقايق اللي ربنا كشفها لينا في **الإعلان الإلهي دا**، وهدفها إنها ترتب الحقايق دي في صورة وحدة متناسقة محورها الأساسي هو "السيد المسيح".

ومصدر **العقيدة** دي مش "الضمير" أو "العاطفة" لأنهم ممكن يخدعونا أو يتأثروا بظروفنا، لكن المصادر الإلهية ثابتة مابتتغيرش وهما مصدرين اساسيين :

أولاً : الكتاب المقدس : عهده القديم والحديد

ثانياً : التقليد الرسولي :

وده التعليم اللي استلمه الرسل من المسيح نفسة أو عن طريق "الوحي" ، واللى فيه الروح القدس كان بيقود الرسل فى كتابتهم بس مالغاش عقلهم ولا شخصيتهم يعنى كتبوا بلغتهم وأسلوبهم بس تحت إرشاد إلهي حفظهم من الخطأ.

وهما بدورهم سلموا التعاليم دي للكنيسة اللي تعتبر "الحارس الأمين" اللي حافظت على الوديعة دي، وهي الوحيدة اللي تقدر تفسر الكتاب المقدس صح من خلال التقليد اللي استلمته وعاشت بيه واللى له نفس سلطة الكتاب المقدس في التشريع **للإيمان**.

فَانْبُتُوا إِذَا أَنْهَا إِخْوَةُ وَتَمَسَّكُوا بِالتَّعَالِيمِ الَّتِي تَعَلَّمْتُمُوهَا، سَوَاءٌ كَانَ بِالْكَلَامِ أَمْ بِرِسَالَتِنَا. (2 تس 2: 15).

الإيمان المسيحي مش نظريات ده حياة وسلوك وعمل ، وهو عبارة عن قطع بتركب مع بعضها عشان تدينا صورة كاملة للطريقة اللى بيها هنعيش حياتنا.

لَأَنَّهُ كَمَا أَنَّ الْجَسَدَ يَدُونُ رُوحٌ مَيِّتٌ، هَكَذَا الْإِيمَانُ أَيْضًا يَدُونُ أَعْمَالٌ مَيِّتَةٌ. (يع 2: 26).

اما **العقل** بقى فهو موجود ومهم و يقدر يوصل بوضوح لوجود خالق من خلال براهين زي "السببية" (كل حاجة ليها سبب) أو "النظام" (الدقة في الكون لازم وراها عقل) لكن عشان نعرف ربنا معرفة حقيقية وشخصية لازم **الإيمان** واللى عمره ما بيناقض **العقل** او يقف ضده لكن بيخلينا ندرك اللى **العقل** لوحده ميقدرش يوصل له .

فلما بنسمع في الكتاب المقدس كلمات زي "إيد ربنا" أو "عين ربنا" أو إنه "رحيم"، دي اسمها "تشبيهات" واللى فيها بنستخدم لغتنا البشرية المحدودة عشان نحاول نقرب عظمة ربنا اللى ملوش حدود لعقولنا، فبنصفه من خلال أفعاله ومحبه لينا..

وبكدا "الحقيقة الإيمانية" بتعلى فوق مستوى العقل المحدود، لأننا بنعرف ان ربنا "واحد" وبسيط (مش مركب من أجزاء) وأزلي ملوش بداية ولا نهاية بـ "نور الإيمان" مش بس بالمنطق البشري.

وَأَمَّا الْإِيمَانُ فَهُوَ الثَّقَةُ بِمَا يُرْجَى وَالْإِيقَانُ بِأُمُورٍ لَا تُرَى. (عب 11: 1).

فى النهاية احنا كمان في رحلتنا الروحية لربنا (الكنز الحقيقي) محتاجين الثلاثة سوا:

- الإيمان: اللي بيحرك قلبك ويديك يقين وثقة في ربنا.
- العقيدة: اللي هيا الخريطة والتعاليم الكنسية اللي بتحميك
من التوهان والأفكار الغلط.
- العقل: اللي هو الوزنة اللي ربنا اداها لك عشان تفكر بحكمة
وتدبر حياتك.

الثلاثة مش ضد بعض، دول هما اللي بيكملوا "الإيمان الحي
والمستنير".

** والخلاصة إن إيماننا مبني على الصخر من خلال : إعلانات إلهية
و تسليم رسولي وعقل منور بنور الإيمان.

سلاامات

ملحوظة : اللي بالاحمر يكتب فقط و لا يقرأ

صفات لازم تعرفها عن ربنا: الأوسيا

الثالوث والجوهر

الفكرة في دقيقة حكاية تعليمية تساعد على فهم معنى «الأوسيا» وبعض صفات الله الجوهرية.

✦ **لقطة سريعة داخل الفيديو** بعد شرح «الأوسيا»: أي معنى دُكر للكلمة؟

[شاهد الفيديو ↗ العودة إلى الموضوعات ↑](#)

تخلوا معايا إنكم في يوم من الأيام قاعدين تحت شجرة ضخمة على ضفاف النيل، والشمس بتنور السماء، وفجأة يظهر لكم ملاك منور يقول لكم إنه هياخذكم في رحلة عبر الزمن عشان تعرفوا طبيعة ربنا وصفاته الجوهرية. مشوق، مش كده؟

!أزيكوا

النهاردة عايز أحكيلكم حكاية مشوقة تساعدنا نغرق أكثر عن "الأوسيا". في حكاية تجمع بين الماضي والحاضر، وتورينا عمق إيماننا

من زمان جداً، كان في راجل عايش في قرية صغيرة على ضفاف النيل. كان اسمه يوحنا. يوحنا كان راعي غنم، عاش حياته ببساطة ومحبة. لكن اللي ميّز يوحنا كان إيمانه القوي وارتباطه العميق بربنا. في يوم من الأيام، وهو قاعد تحت شجرة ضخمة يرعى الغنم، ظهر له ملاك منور

قال الملاك: "يوحنا، اخترتك عشان أوريك طبيعة ربنا وصفاته الجوهرية. تعال معايا في رحلة عبر الزمن."

أخذ الملاك يوحنا لأول الزمان. هناك، شاف يوحنا ربنا كائن أزلي، بلا بداية ولا نهاية. مفيش حاجة قبل ربنا، وهو اللي خلق

كل حاجة

دي هي الأزلية .

من قبل أن تولد الجبال أو أبدأت الأرض والمسكونة، منذ الأزل وإلى الأبد أنت الله. " (مزمور 90: 2)

وهنا نحب نقول إن كلمة "أوسيا" هي كلمة يونانية معناها "الجوهر" أو "الكيان". بنستخدمها في العقيدة عشان نوصف طبيعة الله الأساسية، يعني الحاجة اللي بتكون كيان ربنا وبتوصفه من غير تغيير.

بعد كده، نقله الملاك للحظة خلق الكون. شاف يوحنا إزاي ربنا خلق السما والأرض بكلمة واحدة. فهم يوحنا إن ربنا هو **الكلي القدرة**، يقدر يعمل أي حاجة

بالكلمة الرب صنعت السماوات وينسمة فمه كل جنودها. " (مزمور 33: 6)

بعدين، أخذ الملاك يوحنا لمشهد على جبل سيناء، حيث ظهر ربنا لموسى وأعطاه الوصايا العشر. هنا، حس يوحنا بقداسة ربنا وشاف إن ربنا هو **القدوس**، النقي والخالي من أي خطيئة

كونوا قديسين لأنني أنا قدوس. " (1 بطرس 1: 16)

وفي لحظة مؤثرة، نقل الملاك يوحنا لمشهد الصليب. شاف يسوع المسيح معلق على الصليب، فادي البشرية بحب مالوش وصف. هنا، عرف يوحنا إن ربنا هو **المحبة** الحقيقية، محبة بلا حدود

الله محبة. " (1 يوحنا 4: 8)

بعدين، أخذ الملاك يوحنا لقاعة عرش ربنا، حيث كان جالس على عرشه محاط بالملايين من الملائكة. هنا، فهم يوحنا إن ربنا هو **العليم بكل شيء**، عارف كل اللي بيحصل وكل اللي هيجصل

عظيمة هي أعمال الرب ومطلوبة لكل المسرورين بها." (مزمور 111: 2)

بعدها، شاف يوحنا مشهد لنهر جاري، الناس يتنجي وتغسل نفسها في مية نقية. فهم يوحنا إن ربنا هو **الرحيم**، بيغفر الذنوب ويبستقبل كل تائب

الرب رحيم ورؤوف طويل الروح وكثير الرحمة." (مزمور 103: 8)

وأخيرًا، نقله الملاك لمشهد يوم الحساب، حيث ربنا يجازي كل إنسان حسب أعماله. أدرك يوحنا إن ربنا هو **العادل**، اللي بيحكم بالحق والعدل

الرب صديق وعادل ومستقيم، لذلك يرشد الخطاة في الطريق." (مزمور 25: 8)

الصفات دي بنسبها "**الصفات الجوهرية**"، ودي الصفات الأساسية والثابتة لربنا، اللي بتكون طبيعته وجوهرة. الصفات دي مش بتتغير ومش ممكن تكون غير موجودة في ربنا. يعني ببساطة، دي الصفات اللي بتحدد **مين هو ربنا** والصفات دي موجودة في الأقانيم الثلاثة، **لأن الله واحد في الجوهر**

بعد الرحلة دي، رجع يوحنا لقرية بتاعته، مليان بفهم عميق لطبيعة ربنا. بدأ يوحنا يعيش حياته مجسد الصفات دي في كل يوم، محاولاً يكون قديس زي ما ربنا قدوس

لازم نعرف ان الصفات الجوهرية لربنا مش مجرد مفاهيم نظرية، لكن هي حقيقة بنعيشها وبنحس بيها في كل لحظة. تعالوا نحاول كلنا نعيش حسب الصفات دي، ونكون شهود حقيقيين لإيماننا في العالم

!شكرًا ليكم على المشاهدة، ولو عندكم أي أسئلة أو تعليقات، ما تترددوش تكتبوها لنا. سلامات

صفات لازم تعرفها عن ربنا: الأوسيا

ملاحظة تحريرية

النص معروض كما قيل في الفيديو. الحكاية الواردة فيه أسلوب تعليمي رمزي وليست توثيقًا لواقعة تاريخية.

[العودة إلى الموضوعات ↑](#)

نؤمن بالله واحد

قانون الإيمان

الفكرة في دقيقة مدخل إلى قانون الإيمان ووحانية الله في العهدين القديم والجديد.
✦ **لقطة سريعة داخل الفيديو** بعد الشواهد الكتابية: ما أول حقيقة يعلنها قانون الإيمان؟
[شاهد الفيديو ↗ العودة إلى الموضوعات ↑](#)

نؤمن بالله واحد

اذيكوا

سنة ٣٢٥ م كانت سنة مهمة بالنسبة للمسيحيين فى العالم كله فالسنة ده اجتمع ٣١٨ اسقف من حوالين العالم المسيحي فى مدينة نيقية عشان يحاربوا بدعة اريوس ونتيجة للمجمع ده اتحط قانون فيه العقائد الاساسية فى المسيحية واتسمى "قانون الإيمان" ولكن كان فيه قبل كده صياغات تانية موجودة فى ٣ قرون الاولى مثل قوانين الرسل واقوال الاباء كان فيها برده بعض العقائد الموجودة فى قانون الايمان النيقاوى ..

اهلاً بيكم فى ناناة روحية

قانون الايمان بتؤمن بيه كل طوائف المسيحية واتحط على مرحلتين اول مرحلة فى مجمع نيقية سنة ٣٢٥م وتانى مرحلة فى مجمع القسطنطينية سنة ٣٨١م وفيها الحقائق الايمانية وهى

- ١- وحدانية الله
- ٢- عقيدة الثالوث
- ٣- عقيدة التجسد والفداء والخلاص
- ٤- عقيدة المعمودية لمغفرة الخطايا
- ٥- عقيدة قيامة الاموات والحياة الاخرى
- ٦- عقيدة المجيء الثانى
- ٧- الكنيسة الواحدة الجامعة الرسولية

ومن أهمية قانون الايمان ..البابا كيرلس عمود الدين شرحه فى رسالة رقم ٥٥ وتعتبر من اكبر رسائله .

وتعالوا نشوف مع بعض اول عقيدة

نؤمن بإله واحد

المسيحية لا تؤمن بتعدد الالهة بل تؤمن بإله واحد وده من زماناان .. فأول وصية فى الوصايا العشرة كانت "أنا الرب الهك لا تكن لك الهة اخرى امامى (خر ٢٠:٣) ، وفى سفر التثنية يرجع موسى النبى يؤكد على وحدانية الله "اسمع يا اسرائيل الرب الهك رب واحد" (تث ٦:٤) وفى اشعياء النبى يقول " انا الاول وانا الاخر ولا اله غيرى" (اش ٤٤:٦) وايضا فى سفر ملاخى "ليس إله واحد خلقنا؟" (ملا ٢:١٠) وفى العهد الجديد نادى المسيحية بوحداية الله فيقول القديس مرقس " الرب الهنا رب واحد" (مر ١٢:٢٩) وفى رسائل القديس بولس يقول "لان الله واحدا" (رو ٣:٣٠) وايضا " لكن لنا اله واحد" (١كو ٨:٦) وفى رسالة القديس يعقوب "أنت تؤمن ان الله واحد ،حسنا تفعل" (يع ٢:١٩) .

والعقل يرفض تعدد الالهة لانه لو كان هناك إله غير الله فايه اختصاصه وعمله فالله غير محدود وغير متناهى فازاى يبقى فيه اله غيره؟؟ وهو ملاً كل وجود وكل زمان ولا يخلو منه مكان وأيضاً اذا كان قادر على كل شىء فلماذا يوجد إله غيره ؟ اذا كان فيه إله غيره يصبح هناك اشياء الله غير قادر على فعلها وهذا ضد العقل

ابسطها لك: دلوقتى لو انا شاطر وبعرف اعمل كل حاجة ليه هحتاج لشخص تانى وثالث يساعدنى .. يعنى مثلا لو أنا بعرف اكتب بس فعشان اقدر اعمل فيديو الانتوا شايفينه ده لازم هحتاج لناس تانية شخص بيعرف يمنتج وشخص تانى بيعرف يرسم وشخص ثالث بيعرف يسجل ... عشان انا غير كامل ... لكن الله كامل وكلى القدرة عشان كده مش محتاج اله آخر.

فالمسيحية تؤمن بإله واحد وحدانية شاملة وجامعة فالله واحد

مثلث الأقانيم

بس يعنى ايه شاملة وجامعة ده ويعنى ايه اصلا اقنوم .. ده اللى هنعرفه فى الفيديو هات الجاية

سلامات

ملاحظة تحريرية

النص معروض كما قيل في الفيديو. عند الدراسة التاريخية التفصيلية يُراجع تاريخ وصياغات قانون الإيمان في مصادر المجامع والكتابات الآبائية.

[العودة إلى الموضوعات ↑](#)

هل المسيح إله أم مخلوق؟

قصة هيلاري والثالوث

الفكرة في دقيقة

قصة القديس هيلاري أسقف بواتييه، من بحثه عن الإله الكائن بذاته إلى دفاعه عن ألوهية الابن أمام الفكر الأريوسي، وشرحه لوحدة الجوهر وسر الثالوث والتجسد.

□ لقطة سريعة داخل الفيديو

بعد قراءة إنجيل يوحنا، ماذا فهم هيلاري عن الابن؟

□ شاهد الفيديو

□ العودة إلى الموضوعات

في القرن الرابع الميلادي...

كانت إمبراطورية كاملة تهتز بسبب سؤال واحد:

هل المسيح إله حقًا... أم مجرد مخلوق؟

سؤال يبدو بسيطًا...

لكنه قسم كنائس وأساقفة وملوكًا وشعوبًا بأكملها.

وفي الوقت الذي بدأ فيه كثيرون يتنازلون عن الحقيقة...

وقف رجل واحد تقريبًا في مواجهة التيار كله.

رجل لم يكن قائد جيش...

ولا صاحب سلطة سياسية...

بل أسقفًا حمل إيمانه ودافع عنه مهما كان الثمن.

الغرب كله هيعرفه بعد كده بلقب:

"أثناسيوس الغرب".

لكن قبل ما يوصل للمكانة دي...

كان مجرد باحث عن الحقيقة.

إنسان يقف تحت السماء ليلاً...

يبص للنجوم...

ويتساءل:

"إزاي كل ده يكون صدفة؟"

أهلاً بيكم في نأناه روحية.

القصة بدأت بعيد جدًا عن الكنيسة...

الراجل ده مكنش مسيحي أصلاً.

كان وثنيًا، متعلماً، ذكياً بطريقة تخوف... من الناس اللي عقلها مبيسكتش.
كل ليلة يبص للسماء، للنجوم، للنظام العجيب اللي في الكون... ويسأل نفسه:
"إزاي كل ده يكون صدفة؟!"

كان حاسس إن ورا الكون ده سر كبير...
قوة أزلية...

وجود ملوش بداية.

فضل يدور...

يقرأ...

يسأل...

لحد ما في يوم وقعت عينه على جملة قلبت حياته كلها.
فتح سفر الخروج...

وقرأ ربنا وهو بيكلم موسى:

"أنا هو الكائن".

الجملة دي نزلت على قلبه زي الصاعقة.

فضل يعيدها مرة ورا مرة...

"الكائن"...

يعني الموجود بذاته...

اللي محدش خلقه...

اللي كل حاجة واخدة وجودها منه.

وفي اللحظة دي...
حس إنه لمس طرف الحقيقة لأول مرة.
لكن الأسئلة مبتخلصش.
قال لنفسه:
"طيب... الإله العظيم ده إزاي يوصل للبشر؟
إزاي اللامحدود يلمس المحدود؟"
وكانت الإجابة مستنياه في مكان ثاني.
لما فتح إنجيل يوحنا وقرأ:
"في البدء كان الكلمة، والكلمة كان عند الله، وكان الكلمة الله".
هنا...
الدنيا كلها اتغيرت.
فهم إن "الابن" مش مجرد مخلوق عظيم...
ولا ملاك قوي...
لا.
ده مولود من الأب نفسه...
من نفس الجوهر...
نفس الطبيعة...
نفس المجد.
وفي اللحظة اللي وصل فيها للحقيقة دي...
كان العالم حواليه بيتقلب.

ظهر ناس اسمهم الأريوسيين.
وكانوا بينشروا فكرة خطيرة جداً:
"الابن مخلوق."
"كان فيه وقت الابن مكنش موجود فيه."
والفكرة دي بدأت تنتشر كالنار.
أساقفة...
شعوب...
وحتى ملوك بدأوا يميلوا ليها.
لكن المشكلة إنهم مكانوش عارفين إن فيه راجل هيقف قصادهم كأنه جبل.
دخل المعركة.
مش بس بعاطفته...
لا.
بعقل مرعب.
مناظرات...
ردود...
كتب...
مواجهات...
حرب فكرية حقيقية.
وفي وسط المعركة دي...
طلع بمصطلح وقتها كان كأنه قنبلة:

"

يعني:

"الآب والابن واحد في الجوهر."

الناس اتلخبطت.

إزاي يكونوا واحد ومش نفس الشخص؟

فابتسم...

وبدأ يشرح بمثال بسيط هز العالم كله.

قال:

"شوف النور وهو خارج من النور."

"أو النار لما تولع نار تانية."

النار الجديدة مش أقل.

نفس الحرارة...

نفس القوة...

نفس الطبيعة.

ومن غير ما النار الأولى تخسر أي حاجة.

وهكذا...

الابن خارج من الآب...

بدون انفصال...

بدون بداية...

بدون نقص.

لكن الحرب مكانتش سهلة.
الإمبراطور قسطنطيوس نفسه كان بيميل للأريوسيين.
ولما لقي الرجل ده ثابت ومش بيخاف...
قرر يتخلص منه.
وفي سنة ٣٥٦ ميلادية...
صدر الحكم.
النفى.
اتشال من بلده واترمى في الشرق...
بعيد عن شعبه...
بعيد عن كنيسه.
أي حد مكانه كان ممكن ينهار.
لكن هو...
كان نوع ثاني.
المنفى بالنسبة له اتحول لسلح.
وسط الوحدة والتعب...
بدأ يكتب أعظم أعماله.
كتاب:
"عن الثالوث"
☐☐☐☐☐☐☐☐☐☐
وهنا يمكن تكون سألت نفسك طول الوقت...

مين الراجل ده أصلًا؟

الراجل ده كان اسمه...

هيلاري أسقف بواتييه.

الرجل الذي سيعرفه التاريخ لاحقًا بلقب:

"أثناسيوس الغرب".

وهنا بقى تبدأ أخطر فصول القصة.

هيلاري قال إن الله واحد...

لكن داخل الوحدة دي فيه سر عجيب:

الآب...

الابن...

الروح القدس.

مش ثلاثة آلهة...

ومش شخص واحد بيلبس ثلاثة أقنعة.

لا.

شركة حب أزلية.

الآب هو المنبع.

الابن مولود منه منذ الأزل.

والروح القدس هو العطية الحية اللي بتدخل قلب الإنسان وتوصله بالله.

وبعدين...

هيلاري دخل في عمق مرعب.

كان بيغفر الخطايا.
ويقيم الموتى.
ويسيطر على الطبيعة.
إنسان كامل...
واله كامل.
واللاهوت مفارقش الناسوت لحظة واحدة.
الكلمات دي وقتها كانت نار.
لأنها حافظت على الإيمان وسط عواصف ضمة.
وبعد سنين طويلة...
رجع هيلاري أخيراً لمدينته.
لكن الشخص اللي رجع...
مكنش نفس الشخص اللي خرج.
رجع كأنه محارب خارج من معركة أسطورية.
والناس بدأت تشوف بعينيها إن الهرطقة بتضعف...
وإن صوت الحقيقة لسه عايش.
لكن أجمل حاجة في هيلاري...
إنه رغم عبقريته...
عمره ما اتكبر.
في آخر أيامه كان يقول:
"الثالوث بحر ملوش نهاية."

وكان مقتنع إن الإنسان مهما فهم...

هيفضل واقف مبهور قدام عظمة ربنا.

لأن الموضوع بالنسب إليه مكنش معادلة لاهوتية معقدة.

دي كانت قصة حب إلهية أزلية.

بدأت من الآب.

وظهرت في الابن.

واستقرت جوانا بالروح القدس.

و عشان کده...

هیلاری مکنش مجرد أسقف في التاريخ.

ده كان حارس وقف وسط العاصفة...

وقال للعالم كله:

"الإيمان ده... مش هيسقط طول ما فيه حد مستعد يدافع عنه."

سلامات.

الكفن المقدس

القيامة وشواهدها

الفكرة في دقيقة عرض لقصة الكفن المقدس وأبرز الملاحظات المرتبطة بدراسته.

✦ **لقطة سريعة داخل الفيديو** بعد عرض الفحوص: ما الخاصية التي ظهرت في صورة الكفن؟

[شاهد الفيديو ↗ العودة إلى الموضوعات ↑](#)

نأناة روحية الكفن المقدس ابريل 2026

فى عز البرد ليلة 4 ديسمبر سنة 1532 فى كنيسة صغيرة فى مدينة شامبرى فى فرنسا ، بتحصل حريقة كبيرة جدا و كل اهالى البلد بيتجمعوا عشان يحاولوا يطفوها ، و لما مبيقدروش بيخشوا الكنيسة اللى النار ماسكه فيها حتى ولو على حساب حياتهم علشان ينقذوا صندوق صغير من وسط النار القايده ، الصندوق دا مكنش فيه ذهب او مجوهرات - لا كان فيه الاغلى من كل كنوز الارض

كان فيه تحت قماش ، بس مش اى قماش عادى ...

دا الكفن المقدس

اهلا بيكم فى نأناة روحية

الانجيل بيقولنا ان بعد ما مات المسيح على الصليب يوسف الرامى اشترى كتان نقى و اشترك مع نيقوديموس فى تطيب ولف جسده فى الكفن و دا حسب عادة اليهود فى الوقت دا.

"فَأَخَذَ يُوسُفُ الْجَسَدَ وَلَفَّهُ بِكَتَّانِ نَقِيِّ،" (مت 27: 59).

"وَجَاءَ أَيْضًا نِيقُودِيمُوسُ، الَّذِي أَتَى أَوَّلًا إِلَى يَسُوعَ لَيْلًا، وَهُوَ حَامِلٌ مَزِيجَ
مُرٍّ وَعُودٍ نَحْوَ مِئَةِ مَنَّا. فَأَخَذَا جَسَدَ يَسُوعَ، وَلَفَّاهُ بِأَكْفَانٍ مَعَ الْأَطْيَابِ، كَمَا
لِلْيَهُودِ عَادَةً أَنْ يُكْفَنُوا." (يو 19: 39-40).

و الاكفان دى هى اللى شافها بطرس و يوحنا فى القبر بعد قيامة المسيح فجر
الحد.

"وَأَنحَنَى فَنَظَرَ الْأَكْفَانَ مَوْضُوعَةً، وَلَكِنَّهُ لَمْ يَدْخُلْ. ثُمَّ جَاءَ سِمْعَانُ بُطْرُسُ
يَتَّبَعُهُ، وَدَخَلَ الْقَبْرَ وَنَظَرَ الْأَكْفَانَ مَوْضُوعَةً، وَالْمِنْدِيلَ الَّذِي كَانَ عَلَى رَأْسِهِ
لَيْسَ مَوْضُوعًا مَعَ الْأَكْفَانِ، بَلْ مَلْفُوفًا فِي مَوْضِعٍ وَاحِدٍ." (يو 20: 5-7).

اتحرك الكفن كثير جدا فى اماكن مختلفة بسبب الاضطهادات او الحروب او
لنقلة لمكان أمن ، بداية من اورشليم عن طريق رسل المسيح و هما يببشروا
للقسطنطينية وبعدين فرنسا المكان اللى حصلت فيه حادثة الحريق اللى
اتكلمنا عنها فى الاول لغاية لما استقر لحد النهاردة فى مدينة تورينو بايطاليا
، ومن ساعتها بيتسمى " بكفن تورينو " و هو عبارة عن قطعة قماش من
الكتان القديم مقاسها اربعة متر فى متر تقريبا لونها يميل للأصفر وظاهر

عليها صورة باهتة لشخص ميت عليّة اثار تعذيب ، وعلى مدار السنين اتعرض الكفن للتصوير و البحث العلمى و يمكن اشهر المرات دى حصلت سنة 1978 لما اتكون فريق ضخّم من 40 عالم فى مختلف التخصصات ضمن مشروع ضخّم لدراسة الكفن باختبارات علمية دقيقة باستخدام احدث الاجهزة.

اكتشف الخبراء فى الكفن حبوب لقاح لنباتات موجودة بس فى اورشليم و كمان اثار تراب من الحجر الجيري بتاع شوارع اورشليم القديمة و دا بياكد ان الكفن جاى من فلسطين فعلاً .

وبعد فحص الكفن من الكيميائيين اكتشفوا ان مفيش أي أثر لصبغة أو حبر أو رسم على الكفن والتحليل المجهرى أثبت إن الصورة موجودة بس على سطح الألياف ومش متغلغلة جوا القماش ، واكتشفوا كمان إن الصورة سالبة (نيجاتيف) يعني لما تتقلب زي أفلام الكاميرا الفوتغرافية تظهر بشكل طبيعى يعني مستحيل حد فى العصور الوسطى يرسم حاجة بالشكل ده.

العلماء لاقوا إن درجة اللون فى الكفن مرتبطة ببعد الجسم عن القماش بشكل ثلاثى الابعاد وده مستحيل يتعمل بالرسم او الطباعة.

قالوا كمان إن الصورة ممكن تكون اتكونت على الكفن نتيجة انبعاث طاقة ضوئية جامدة او نور قوي جدًا بدون حرق القماش وده يخلي ناس كتير تربطه بلحظة القيامة نفسها!

وبعد فحص عينات من المادة اللي على الكفن ، أكتشفوا إنه دم حقيقي ناتج عن اثار جروح حقيقية ، نتيجة دق مسامير في الإيدين والرجلين و طعنة واضحة في الجنب و آثار جلد بالسياط و جروح في الرأس من اكليل الشوك وان الإصابات دي مطابقة تمامًا لوصف صلب المسيح فى الانجيل.

الخلاصة :

العلم قال: الكفن مش خدعة و الصورة اللي عليه مش رسم ومش معروف اتعمل إزاي ، وكل الأدلة الطبية والتاريخية بتطابق مع شخصية واحدة بس فى الواقع... السيد المسيح...

ولو هو مزور فإزاي حد من مئات السنين: يعرف الطب و الفيزياء و الكيمياء والتصوير ويعمل حاجة العلم الحديث نفسه مش قادر يكررها؟!!

وفي الآخر...الإيمان مش ضد العلم...لكن أحيانًا العلم نفسه بيوقف عاجز قدام الايمان ويقول فيه حاجة أكبر مني ويمكن دي واحدة من اللحظات

الكفن زى شاهد صامت... مش بيتكلم... لكن كل تفصييلة فيه بتقول:

لَيْسَ هُوَ هَهُنَا، لِأَنَّهُ قَامَ كَمَا قَالَ! (متى 28: 6)

الكفن مش مجرد صورة للمسيح.. لأ دا دليل على قيامته و رسالة أمل... لكل قلب تايه ، لكل شخص يأس ... لكل واحد موجوع...
بتصرخ و تقول : فيه حياة تانية بعد الموت... فيه قيامة... فيه نور بعد العتمة.

المسيح قام... بالحقيقة قام!

سلاالمات

++ المرجع : كتاب أسئلة حول الصليب - أ. حلمي القمص يعقوب

أعظم محاكمة في التاريخ

أسبوع الآلام

الفكرة في دقيقة تتبّع مراحل محاكمة السيد المسيح من القبض عليه حتى تسليمه للصلب.

✦ **لقطة سريعة داخل الفيديو** بعد ترتيب المحاكمات: كم مرحلة دينية وكم مرحلة مدنية؟

[شاهد الفيديو ↗ العودة إلى الموضوعات ↑](#)

2025 / 7 / 15

أعظم محاكمة فى التاريخ

فى يوم خميس العهد و فى الوقت الذى الى المسيح قاعد بياكل وسط تلاميذة اخر عشائية ،
بيبص السيد المسيح ليهوذا بحزن ويقول: الى انت ناوى تعمله اعملة بسرعة ..

وفعلًا بيتتم يهوذا الاسخريوطى خيانتة للمسيح بعد اتفاقية مع رؤساء الكهنة اليهود
وبيسلم سيده بسرعة فى نفس ليلة الخميس.

وبسرعة أكثر بتم رحلة محاكمة السيد المسيح واللى كانت واحدة من أكثر اللحظات
المؤثرة فى التاريخ...

واللى اتعرض فيها الرب يسوع للظلم وشهادات الزور والاهانه، واتحول من قدوس
بار لحكم بالإعدام!

وفى الحقيقة هى مكنتش محاكمه واحدة لكن كانت 6 محاكمات

مر الرب يسوع بيها فى أقل من يوم.... ويمكن نقسمهم على مرحلتين:

+ المرحلة الأولى:

المحاكمات الدينية الثلاثة قدام حنّان، وقَيَافَا، والسِّنْهُدْرِيم اليهودي برئاسة قَيَافَا.

واللى كانت من نص الليل لغاية فجر الجمعة.

+ المرحلة الثانية:

المحاكمات المدنية الثلاثة قدام القضاء الرومانى: قدام بيلاطس وهيرودس و بيلاطس
مرة ثانية ، و كانت من فجر الجمعة للساعة تسعة صباحًا.

أهلاً بكم في نانأة روحية★

أول محاكمة كانت بعد القبض على المسيح في بستان جثسيماني ، خدوه الجنود لـ حنان رئيس الكهنة السابق اللي سالة عن تعاليمه وتلاميذه، لكن السيد المسيح قاله بكل ثبات:

"أنا كلمت العالم علانية... ليه بتسألني؟ اسال اللي سمعوا هيقولوك انا قلت ايه"

ولما ملقاش أي تهمة عليه، بعته لـ قيافا.

وبدأت **المحاكمة الثانية** وهنا ابتدوا يجيبوا شهود زور، بس شهاداتهم كانت متناقضة.

ومن التهم اللي قالوها إنه قال: "أنا أنقض الهيكل، وفي 3 أيام أبني واحد ثاني."

لكن الشهادات كلها كانت متلخبطة، ومفيش دليل ادانه واضح.

ورغم ان المسيح كان ساكت اغلب الوقت لكن قيافا حلفة يجاوب وسأله: "أنت المسيح ابن الله؟ والمسيح رد وقال: "أنا هو وهتشوفوا ابن الإنسان قاعد عن يمين القوة وجاي على السحاب في السماء." فقيافا اعتبر ده تجديف، وقال: خلاص مبقناش محتاجين شهود وقررروا الحكم عليه بالموت.

ومع طلوع النهار اجتمع المجلس الديني الكبير لمحاكمته في المعاد و المكان الرسمي ودى **المحاكمة الثالثة** وسالو المسيح : هل انت فعلا ابن الله ؟ فجاوبهم وقال لما بجاوب مبتصدقونيش و لما بسالكم مبتجاوبوش !!

فحكموا اليهود عليه بالموت بالاجماع، وبعدها سلم اليهود المسيح لبيلاطس البنطى لأنه ماكانش ليهم سلطة تنفيذ حكم الإعدام لكن السلطة كانت للدولة الرومانية في الوقت دا.

وبدأت **المحاكمة الرابعة** لما ببيلاطس سأله:

"أنت ملك اليهود؟" والمسيح رد: "أنت بتقول". لكن ببيلاطس مشافش فيه أي ذنب وقال: "مش لاقى فيه علة." ولما عرف إنه جليلي، بعته لهيرودس أنتيباس الحاكم

عقيدة قيامة الأموات

القيامة والحياة الأبدية

الفكرة في دقيقة من لقاء بولس في أثينا إلى 1 كورنثوس 15: لماذا قيامة الأموات أساسية في الرجاء المسيحي؟

✦ **لقطة سريعة داخل الفيديو** بحسب 1 كورنثوس 15: ماذا يترتب على إنكار قيامة الأموات؟

[شاهد الفيديو ↗ العودة إلى الموضوعات ↑](#)

عقيدة قيامة الاموات

اذيكواااا

سنة 341 قبل الميلاد في جزيرة ساموس اتولد الفيلسوف اليوناني ابيكور.. ابيكور ده اسس مدرسته الفلسفية في اثينا و اللي كانت بتبحث في اسباب سعادة الانسان . و كان شايف ان اكثر حاجة ممكن تفقد الانسان سعادته و سلامه هي خوفه من الموت .

فابيكور كان حابب ان الناس تعيش في سعادة فمكنش عاوزهم يفكروا في الموت أو ايه اللي هيحصل بعد الموت .

عشان كده كان الموت بالنسبة ل ابيكور هو النهاية نهاية الجسد و نهاية الروح معا .

وده أغري ناس كثير تبقى من اتباعه فكانوا بيعيشوا حياتهم معتقدين بفنائهم بعد الموت علي اعتبار ان الايمان بكدة هيخليهم يعيشوا حياه اسعد.

اهلاً بيكم فى نانا روحية

سفر اعمال الرسل بيحك لنا في الاصحاح 17 ان بولس الرسول و هو رايح يبشر بالمسيح في اثينا قابل مجموعة من ابيكوريين اللي طبعاً مش بيؤمنوا بقيامة الاموات وطبعاً عشان بولس الرسل بينادى بقيامة فاعتبروه بيقول كلام مش حقيقى مجرد خيلات .. رغم كل ده شاف بولس مذبح لاله مجهول وهنا بدء بولس يتكلم عن الاله المجهول ده انه هو المسيح وكلمهم عن ان المسيح مات وقام من الاموات وهديين المسكونة بالعدل " **لأنه أقامَ يَوْمًا هُوَ فِيهِ مُزْمِعٌ أَنْ يَدِينَ الْمَسْكُونَةَ بِالْعَدْلِ، يَرْجُلُ قَدْ**

عَيْنَهُ، مُقَدِّمًا لِلْجَمِيعِ إِيمَانًا إِذْ أَقَامَهُ مِنَ الْأَمْوَاتِ " (اع 17 : 31)
وهنا رفض اليونانيين كلام بولس لانه مختلف عن عقديتهم وبدؤوا
يستهدؤا بيه وهنا خرج بولس من وسطهم .

لكن القديس بولس مستسلمش وتكلم عن قيامة الاموات كثير
فى رسايله وخصصلها اصحاب كامل فى رسالة الاولى لاهل
كورنثوس هو **الاصحاح 15**

وقال فيه "فإن لم تكن قيامة أموات فلا يكون المسيح قد قام
وإن لم يكن المسيح قد قام، فباطلة كرازتنا وباطل أيضا إيمانكم
ونوجد نحن أيضا شهود زور لله، لأننا شهدنا من جهة الله أنه أقام
المسيح وهو لم يقمه" 1كو 15 : 13-15

**سؤال المهم : ايه هى بقى قيامة الاموات و ليه هى
مهمة اوي كده فى ايماننا المسيحي ؟**

هنجاوب على تساؤل ده فى 3 نقط مهمين

❖ **أول حاجة لازم نعرفها تكوين الانسان:**

الانسان مكون

1- مادی الجسد

2- غير مادی ... الروح والنفس

عند الموت ينفصل الروح عن الجسد ويقول كتاب "فَيَرْجِعُ التُّرَابُ
إِلَى الْأَرْضِ كَمَا كَانَ، وَتَرْجِعُ الرُّوحُ إِلَى اللَّهِ الَّذِي أُعْطَاهَا." (جا
12 : 7).

وهنا الروح بترجع الى الله وعند القيامة تعود الروح الى الجسد
والسيد المسيح بنفسه اتكلم عن القيامة وقال " أَنَا هُوَ الْقِيَامَةُ
وَالْحَيَاةُ. مَنْ آمَنَ بِي وَلَوْ مَاتَ فَسَيَحْيَا، " (يو 11 : 25).

❖ تاني حاجة : ليه يقوم جسد ويتحاسب مع الروح

يعنى ممكن تكون الارواح لوحدها في الحياة الابدية و تترك
الاحساد للفناء !

اباء كنيسة جابوا على سؤال ده .. ذى

1- القديس كيرلس الاورشليمي : قال .. اننا لانعمل شيئاً بدون الجسد اننا بالفم نجدف وبالفم نصلى ، باليد نسرق وباليد نعطي الصدقات والباقي هكذا ، إذن فحيث الجسد كان خدمنا فى كل الامور فإنه سيقترسم معنا فى المستقبل ثمار الماضى

2- البابا شنودة الثالث : قال .. إن الروح والجسد اللذين اشتركا فى العمل معاً تقتضى العدالة الالهية أن يتحملا الجزاء معاً أو يتنعموا بالمكافأة معاً، الجسد هو الجهاز التنفيذي للروح او النفس او العقل . أفلا تكون له مكافأة عن كل ما اشترك فيه من خير مع الروح ؟

❖ ثالث حاجة : هل القيامة مستحيلة ؟

اكيد عملية قيام الاجساد من الموت اسهل بكثير من عملية خلقها من العدم .

ويقول قداسة البابا شنودة " أيهما أصعب إذن : الخلق من العدم ، أم إقامة الجسد من التراب ؟ إن الذى يقدر على العمل الاصعب من البديهي أنه يقدر على العمل الأسهل "

ليه بقى القيامة مهمة ؟؟

- 1- العدل .. عشان كل واحد يتحاسب عن اعماله "الَّذِي سَيُجَازِي كُلَّ وَاحِدٍ حَسَبَ أَعْمَالِهِ." (رو 2: 6)
- 2- تحقيق وعد الله للإنسان بالأبدية "وَهَذَا هُوَ الْوَعْدُ الَّذِي وَعَدْنَا هُوَ بِهِ: الْحَيَاةُ الْأَبَدِيَّةُ." (1 يو 2: 25)

3- لولا القيامة لصار مصير جسد الانسان مثل
الحيوانات ..الفناء .. يبقى ايه الفرق بين الانسان اللى
على صورة الله ومثاله والحيوان

فى النهاية

**اللى بينكر القيامة بينكر وجود الله وقدرته
وبينكر وجود السماء**

**السيد المسيح بنفسه اعطانا الوعد "فَإِنِّي كُنْتُ
قَدْ قُلْتُ لَكُمْ. أَنَا أَمْضِي لِأَعِدَّ لَكُمْ مَكَانًا،" (يو 14:**

**2) واحنا عايشين على هذا الوعد
عشان كده فى آخر قانون الايمان بنقول
ونتظر قيامة الاموات وحياة الدهر الآتى آمين**

سلامات

سر الإفخارستيا

الأسرار والليتورجيا

الفكرة في دقيقة شواهد كتابية وآبائية عن تأسيس سر الإفخارستيا وممارسته في الكنيسة الأولى.

✦ **لقطة سريعة داخل الفيديو** بعد شواهد العشاء الأخير: مَنْ أسّس سر الإفخارستيا؟

[شاهد الفيديو ↗ العودة إلى الموضوعات ↑](#)

سر الافخارستيا

وانا قاعد فى البيت وبتفرج على تلفزيون فجأة لقيت فار فى البيت .. طيب هو انا هسيبه يعيش معانا ولا ايه ؟؟ فقلت فى البيت انا هجيب سم ونبهت على ولادى الصغيرين محدش ياكل اى حاجة من على الارض عشان هنعط سم..وفعلا جبت حنه جنبه وحطيت عليها سم .. فراح جه واحد من ولادى واكل جبنة بالسم ؟؟ وقعد يعيط وجه يتأسفلى

ايه رثيكم ؟؟ ينفع لو تأسف يبقى خلاص معتش فى مشكلة وانا هسمحه فالمشكلة انتهت .. هو ده ينفع ؟؟ولا لازم اخده ونروح المستشفى وادبلى مضاد لسم ... اكيد لازم ياخذ مضاد لسم عشان يعيش والا هيموت.

اهلا بيكم فى ناناة روحية

سر الافخارستيا ... هو المصل اللى بيدينا الحياة الابدائية هو مصل ضد الموت وضد الخطية

١- مؤسس السر .. هو السيد المسيح بنفسه

هنلاقى كلام ده موجود فى ٤ اناجيل

(مت ٢٦: ٢٨-٢٤) (مر ١٤: ٢٢-٢٤) (لو ٢٠: ١٩-٢٠) (يو ٦: ٥٣-٣٦)

وهنلاقى القديس بولس اتكلم عن سر الافخارستيا وانه استلمه من سيد المسيح نفسه (١ كو ١١: ٢٣-٢٩)

٢- كنيسة الاولى مارست هذا السر ذي ما استلموه الرسل من السيد المسيح

(اع ٢: ٤٢) (اع ٢٠: ٧)

٣- الالباء علموا أن ده فعلا جسد المسيح ودمه .. ذى مين

• القديس اغناطيوس الانطاكى فى رسالته الى سيمرنا (إن الافخارستيا جسد

مخلصنا يسوع المسيح الذى تألم لاجل خطايانا)(سيمرنا ٧: ١)

• القديس يوستينوس فى دفاعه عن سر الافخارستيا يقول (يغذى جسدنا ودمنا

اذ هو جسد و دم المسيح المتجسد كما تعلمنا) (الدفاع ١:٦١)

• القديس إيرينيئوس (تصير الافخارستيا جسد المسيح ودمه هذه التى تنمى

جسدنا وتسنده ... جسدنا هذا الذى يتغذى من جسد الرب ودمه (ضد

الهرطقات ٥:٢-٣)

• القديس اثناسيوس (بعد أن ترفع الصلوات الكبيرة والتوسلات المقدسة ينزل

الكلمة فى الخبز والخمر فيصيران جسده) (رسالة الى المعمدين الجدد)

ويقول كما فى رسالة الفصحية الخامسة (حتى يمكننا أن نتناول من الكلمة

(الوعوس)).

كل ده نقدر نقول أن كنيسة من بدايتها وهى تاكد ان تناول هو جسد المسيح

ودمه ... طيب هنستفاد ايه لما نتأكد؟ ...

إقلك

١- أعظم حاجة لما نتلامس مع جسد المسيح ودمه يقول القديس كيرلس الكبير فى

تفسير انجيل لوقا ص ١٠٨ (ما أعظم فاعلية لمسة جسده المقدس فأنها تطرد

الامراض من كل نوع وتطرد جمعا من الشياطين ... وتشفى جمعا من الناس فى

لحظة من الزمن)... عشان كده يسميه القديس كيرلس الجسد المحى .. يعنى

الجسد اللى بيعطى الحياة .. مش معقول الجسد اللى بيدى الحياة يدى الموت !!

٢- القديس اغناطيوس الانطاكى ياكد أنه ترياق الخلود .. يعنى هو اللى بيدينا الحياة

الابدية (الرسالة الى افسس ٢:٢٠)

فى نهاية احب اقول أن سر الافخارستيا هو جسد المسيح ودمه واللى بيدهلنا هو

المسيح بنفسه والقديس يوحنا ذهبى الفم ياكد على كده ويقول (عندما ترى الكاهن

يسلمك (التناول) لاتظن أنه هو الذى يفعل ذلك إنما يد المسيح هى التى تبسط لك) (تفسير انجيل متى العظة ٣:٥٠)

عشان كده لازم يكون عندنا ايمان أن مستحيل المسيح الى بيدينا جسده ودمه للحياة والشفاء هيدهولنا للموت والمرض .

سلااااامات

ملاحظة تحريرية

النص معروض كما قيل في الفيديو. التشبيه الطبي الوارد فيه روحي وتعليمي، ولا يُفهم كبديل عن العلاج أو إرشادات الأطباء.

[العودة إلى الموضوعات ↑](#)

المخطوطات دليل على انتقال نص الكتاب المقدس

المخطوطات والنقد النصي

الفكرة في دقيقة مقدمة إلى المخطوطات والنقد النصي وكيف تساعد المقارنة في دراسة انتقال النص.

✦ **لقطة سريعة داخل الفيديو** بعد تعريف العلم: ما الوظيفة الأساسية للنقد النصي؟

[شاهد الفيديو ↗ العودة إلى الموضوعات ↑](#)

استحالة تحريف الكتاب المقدس

اذيكونا

البيلوغرافيا

أيه .. أيه !!؟ ايه كلمة صعبة ده ..

خلاص خلاص نتكلم فى حاجة تانية طبعاً كلنا نعرف افلاطون وارسطو وان ليهم كتابات فى الفلسفة طيب ايه رأيكم ان احنا معندناش النسخ الاصلية من كتابتهم لكن كل الموجود مخطوطات يرجع زمانها لسنة ٨٠٠ م تقريباً وبننسبها ليهم وبندرسها فى المدارس والجامعات ومش بنشك فيها .

اقلكم بقى يعنى ايه .. البيلوغرافيا ... كلمة يونانية معناها نسخ الكتب

وده علم ثبوت المراجع أو علم النقد النصى .. يعنى ايه .. يعنى ده العلم اللي بيثبت صحة نسب المكتوب الى الكاتب .. ذى الكتاب المشهورين امثال افلاطون – ارسطو- هيرودوت

فمثلاً ارسطو ليه ٧ مخطوطات وافلاطون ٨ مخطوطات وهيرودوت ٤٨ مخطوط .. والفرق بين زمن وجود شخصيات ده والمخطوطات حوالى ١٢٠٠ سنة ... يعنى لو افلاطون عاش سنة ٤٠٠ ق.م يبقى المخطوطات اللي موجودة يرجع زمانها لسنة ٨٠٠ م يعنى بأختصار العلم ده بيقول كل ماكنت الفرق قريب بين زمن وجود الكاتب ووجود المخطوط كل ما كان يثبت نسبه صحته ليه اكثر وتكون اهمية اكثر

اهلاً بيكم فى ناناة روحية

سنة ١٩٥٠م عثر رجال جامعة اسكندرية على اكتشاف اثرى مهم جداً وهما بيدورا فى المخطوطات القديمة فى دير سانت كاترين بسيناء ... عثروا على ايه بقى ؟؟؟ على اقدم مخطوط لتوارة باللغة العربية يرجع الى القرن ٧ الميلادى... وفى سنة ١٩٦٦ فى احتفالية جامعة اسكندرية بمرور ١٤٠٠ سنة على انشاء دير سانت كاترين اشارت جريدة الاهرام عن هذا الاكتشاف العظيم فى عددها الصادر ١٩٦٦ / ٧ / ٦ .

الكتاب المقدس ليه مخطوطات كتير جدااا اكثر من ١٠٠ الف مخطوط .. عشان كده احنا هنتكلم عن اشهر المخطوطات

١-النسخة الفاتيكانية

كتبت سنة ٣٢٨ م باللغة اليونانية بأمر الملك قسطنطين محفوظة بمكتبة الفاتيكان فى روما

٢-النسخة الاسكندرية

كتبت فى القرن الخامس الميلادى وظلت فى الاسكندرية حتى عام ١٨٢٨م الى ان اهداها البطريك لوكارس الى ملك بريطانيا شارل الاول وهى محفوظة فى المتحف البريطانى فى انجلترا .

٣-النسخة السينائية

كتبت فى القرن الرابع وعثر عليها فى دير سانت كاترين بجبل سيناء وهى محفوظة بالمتحف البريطانى

٤- نسخة واشنطن

ترجع الى القرن الرابع او الخامس الميلادى ومحفوفة فى واشنطن بالولايات المتحدة

٥- مخطوطات جنيزة القاهرة

ترجع الى القرنين السادس والتاسع الميلادى وجدت بمجمع بن عزرا بمصر القديمة سنة ١٨٩٠م الذى كان فى الاصل كنيسة باسم الملاك ميخائيل والتى كانت جزء من كنيسة المعلقة وتضم ١٠ الاف مخطوطة لاسفار العهد القديم

٦-مخطوطة جون ريلاندز ٥٢

ترجع كتابتها الى سنة ١٢٥م وقد اكتشفت فى صحراء الفيوم بمصر سنة ١٩٣٥م وتحتوى على ٤ ايات من انجيل يوحنا الاصحاح ١٨ اعداد (٣١-٣٣-٣٧-٣٨) وتعتبر اقدم شهادة للعهد الجديد ومحفوفة بمكتبة جون ريلاندز بمنشستر انجلترا .

٧- لفاف وادى قمران

يعتبر الاكتشاف الاشهر فى قرن ٢٠ فى سنة ١٩٤٧م عثر العلماء فى وادى القمران بشرق الاردن على مخطوطات قديمة ترجع الى (٢٥٠ ق.م الى ١٠٠م) وتضم هذه اللفائف

- ١٥ مخطوط سفر التكوين
- ٥ للخروج
- ٨ اللاويين
- ٦ للعدد
- ٢٥ تثنية
- ٢ ليشوع
- ٣ للقضاة
- ٤ للراعوث
- ٤ لصموئيل الاول والثاني
- ٤ للملوك الاول والثاني واخبار ايام الاول والثاني
- ٤ ايوب
- ٢٧ مزامير
- ٢ للامثال
- ٢ للجامعة
- ٤ لنشيد الانشاد
- ١٨ اشغيا
- ٤ لارميا
- ٤ للمراثي ارميا
- ٦ لحزقيال
- ٨ لدانيال
- ٨ للانبياء صغار

كل هذه المخطوطات رغم انها قديمة جدا الا انها تتطابق مع الكتاب المقدس الى بين ايدينا .. فكيف يحرف كتاب لديه هذا الكم الهائل من المخطوطات منذ القرون الاولى ؟

سلامات

ملاحظة تحريرية

النص معروض كما قيل في الفيديو. الأعداد والتواريخ وأماكن الحفظ تتغير مع الاكتشافات والفهرسة، لذلك تُراجع في كتالوجات المخطوطات الأكاديمية الحديثة.

[العودة إلى الموضوعات ↑](#)

ليه استحالة تحريف الكتاب المقدس؟

انتقال النص

الفكرة في دققة لماذا يجعل انتشار المخطوطات والترجمات والاقتباسات أي تغيير شامل قابلاً للاكتشاف؟

✦ **لقطة سريعة داخل الفيديو** يعد مثال الكتاب المنتشر: لماذا يصعب تغيير كل الشواهد سرًا؟

[شاهد الفيديو ↗ العودة إلى الموضوعات ↑](#)

استحالة تحريف الكتاب المقدس

اذيكونا

كان ليا صديق صاحب مطبعة وكان ييطبع كتاب وبدء ينشره وبعد لما كتاب نزل المكتبات وبدء يتباع لقي في الكتاب بعض الاخطاء فقال لازم الم كل النسخ اللي موجوده واعدلها ... طبعا الموضوع صعب وممكن يبقى مستحيل ان يقدر يجمع كل النسخ ده ويعدلها .

وطيب وايه رئيكم لو عايزاغيراي جملة (آية) في الكتاب المقدس لازم اجمع كل النسخ اللي في العالم في الوقت ده واغيرها عشان ميبقاش في نسخة مختلفة عن نسخة يعنى عشان يبقى كل نسخ متشبهه .

عشان كده من مستحيل تحريف الكتاب المقدس

اهلاً بيكم فى ناناة روحية

تعالى نفكر تفكير منطقى

أنت ...

❖ هل بتعبر الكتاب المقدس هو كلام الله ؟؟

لو كانت اجابتك

■ نعم ... يبقى لازم تتأكد أن ده كلام الله و الله قادر على حفظ كلمته ولو استطاع

الانسان تغير كلمة الله يصبح الانسان اقوى من الله !!!!!

وعشان كده ربنا قال على لسان اشعياء النبی " كلمة الهنا فتثبت الى الابد" (اش ٤٠: ٨)

■ اما بقى لو اجابتك لا .. يعنى هو كلام الله بس حُرِف طيب مين حرفه ؟؟

❖ مين حرف الكتاب المقدس

الكتاب المقدس بيحتوى على عهدين عهد قديم وده قبل المسيح وعهد جديد ده بعد المسيح اذن

يبقى فى احتماليين

■ الاحتمال الاول : ان اليهود هما اللى حرفوا الكتاب المقدس اللى هو العهد القديم

تعالوا نشوف :

١- لو فكر اليهود فى تحريف كانوا شالوا الويلات واللعنات اللى على الشعب (اش ١: ٢-٧) (لا ٢٦: ٢٧-٣١) .. كانوا شالوا خطايا الانبياء ذى كذب ابراهيم وزنا داود

٢- اليهود بينكروا مجيء المسيح وموته وصلبه ولو كده كانوا حذفوا كل النبوات اللى تكلمت عنه

٣- طريقة كتابة النسخ دقيقة جدا.. اشرحك

✓ عشان اى حد ينسخ تورا لازم يحفظها الاول وينقلها من نسخة الاصلية
✓ لازم يغتسل قبل الكتابة

✓ لازم يحسب عدد الاحرف وعدد الكلمات فى كل صفحة ولازم تطابق
النسخة الاصلية

✓ لو لقي ٣ اخطاء فى النسخة تحذف النسخة كلها

٤- اوصاهم الله على لسان موسى النبى " كل الكلام الذى اوصيكم به احرصوا لتعلموه، لاتزيد عليه ولا تنقص منه" (تث ١٢: ٣٢)

يبقى من المستحيل تحريف اليهود العهد القديم

❖ الاحتمال الثانى : ان المسيحيون هما اللى حرفوا الكتاب المقدس

طبعاً مينفعش المسيحيون يحرفوا العهد القديم ... ليه؟ ... أنا مبسوط انك سالتى سؤال ده ..

لان العهد القديم كان منتشر قبل المسيحية و فى سنة ٢٨٥ ق.م فى عهد بطليموس ترجم العهد القديم من اللغة العبرية الى اليونانية على يد ٧٠ عالم من علماء وشيوخ اليهود وسميت بالترجمة السبعينية فطبعاً صعب اجمع نسخ ده كلها واعدها واعدل كمان النسخ اللى مع اليهود .

طيب بالنسبة لتحريف المسيحيون العهد الجديد .. تعالوا نشوف

١- يوجد توافق تام بين العهد القديم (النبوات) وبين العهد الجديد (تحقيق هذه النبوات)

٢- الرسل وتلاميذ المسيح تحملوا العذاب والالم من اجل كرازة فى العالم كله واغلبهم استشهدوا من اجل الكرازة

- ٣- التلاميذ كررُوا بِإِلْهِ مُتَجَسِّد - مَوْلُودٌ مِنْ عِذْرَاءٍ - مُصْلُوبٌ - قَائِمٌ مِنْ بَيْنِ الْأَمْوَاتِ .. لَوْ كَانُوا عَائِزِينَ يَحْرِفُوا كَانُوا حَذَفُوا الْعَقَائِدَ الصَّعْبَةَ لِتَسْهِيلِ الْكَرَازَةِ .
- ٤- لَوْ عَائِزِينَ يَحْرِفُوا الْعَهْدَ الْجَدِيدَ كَانُوا حَذَفُوا الْوَصَايَا الصَّعْبَةَ ذِي (مَحَبَّةِ الْأَعْدَاءِ - وَعَدَمِ مَحَبَّةِ الْمَالِ وَغَيْرِهَا كَثِيرٌ)
- ٥- تَعَهَّدَ الرَّبُّ بِحِفْظِ كَلِمَتِهِ فِي الْعَهْدِ الْجَدِيدِ "السَّمَاءُ وَالْأَرْضُ تَزُولَانِ وَلَكِنْ كَلَامِي لَا يَزُولُ" (مَت ٢٤: ٣٥) .

وَفِي خَتَامِ الْعَهْدِ الْجَدِيدِ فِي سَفَرِ الرُّؤْيَا يَقُولُ " لِأَنِّي أَشْهَدُ لِكُلِّ مَنْ يَسْمَعُ أَقْوَالَ نَبْوَةِ هَذَا الْكِتَابِ: إِنْ كَانَ أَحَدٌ يَزِيدُ عَلَى هَذَا، يَزِيدُ اللَّهُ عَلَيْهِ الضَّرْبَاتِ الْمَكْتُوبَةَ فِي هَذَا الْكِتَابِ وَإِنْ كَانَ أَحَدٌ يَحْذِفُ مِنْ أَقْوَالِ كِتَابِ هَذِهِ النَّبْوَةِ، يَحْذِفُ اللَّهُ نَصِيبَهُ مِنْ سَفَرِ الْحَيَاةِ، وَمِنْ الْمَدِينَةِ الْمُقَدَّسَةِ، وَمَنْ الْمَكْتُوبُ فِي هَذَا الْكِتَابِ" (رؤ ١٩: ١٨-٢٢)

بعد كل ده!! ازاي يحرف اليهود أو المسيحيون الكتاب المقدس

يبقى ولا اليهود ولا المسيحيون حرفوا الكتاب المقدس

طيب ايه اللي يثبت صحة الكتاب المقدس

المخطوطات

وده اللي هنكمل عنه فى فيديو اللي جاي تابعوننا

سلامات

ليه استحالة تحريف الكتاب المقدس؟

ملاحظة تحريرية

النص معروض كما قيل في الفيديو. الأدق علميًا التمييز بين فروق النسخ اليدوي القابلة للدراسة وبين ادعاء تغيير شامل لكل الشواهد.

[العودة إلى الموضوعات ↑](#)

نأنأه في أسفار موسى الخمسة

أسفار موسى الخمسة

الفكرة في دقيقة خريطة للأسفار الخمسة الأولى وموضوع كل سفر داخل قصة العهد.

✦ **لقطة سريعة داخل الفيديو** بعد تقديم المجموعة: ما الترتيب الصحيح للأسفار الخمسة؟

[شاهد الفيديو ↗ العودة إلى الموضوعات ↑](#)

أسفار موسى الخمسة

اذيكوا

اتقسم العهد القديم الى اقسام لسهولة دراستها ومعرفتها فكل مجموعة لها صفة تميزها عشان كده اتقسم الى خمس مجموعات وهى

- 1- اسفار الشريعة .. 5 اسفار
 - 2- الاسفار التاريخية ... 12 سفر
 - 3- اسفار الانبياء الكبار... 5 اسفار
 - 4- اسفار الشعيرة... 5 اسفار
 - 5- اسفار الانبياء الصغار ... 12 سفر
- يعنى نقدر نقول 5 - 12 - 5 - 5 - 12 .. ده تقسيمة العهد القديم طبعا غير الاسفار اليونانية الثانية متعلقوش هنبقي نعملها فديو لوحدها .

اهلا بيكم فى نأناة روحية

المره ده احنا هنكلمك عن اسفار الشريعة وهى بتسمى اسفار موسى الخمسة واسمها فى العبرى (التوراه) اما فى اليونانية (البناتايوش) و التقليد اليهودى ينسبها كلها لموسى النبى وهى (التكوين- الخروج - اللاويين- العدد - التثنية) وكتبت بعد الخروج من أرض مصر أى من حوالى سنة 1451 حتى وفاة موسى النبى

❖ سفر التكوين

باليونيه Genesis (جينسيس) ومعناه: "الوجود من العدم أو النشأة أو الخلقه .. اما فى العبريه بريشيث Berêshith أى "فى البدء"، وهى أول كلمة يبدأ بها السفر.

طيب بيتكلم عن أيه

- **ص1:ص11 .. الخلقه، السقوط، الطوفان،** تشئت الجنس البشرى على الأرض
- وبعد كده يجى **ابراهيم** من **ص12: ص25** .. دعوته، وخروجه من أرضه وعشيرته، إيمانه، والوعد المؤكد له من الله ثلاث مرات «باسحق يُدعى لك نسل»
- وهنا تبدأ قصة **اسحق** من **ص25: ص36** وزوجته رفقة وأولاده عيسو ويعقوب
- ومن **ص36: ص50** نشوف قصة **يعقوب** وخاله لابان وأولاده الاسباط 12 وقصة يوسف ونزول بني إسرائيل إلى مصر حتى موت يعقوب ودّفنه فى فلسطين

❖ سفر الخروج

باليونانية Exodus ومعناه: "الهجرة أو النزوح". أما اسمه بالعبرية فهو "واليه شيموث" Weélleh Shemoth أي: "وهذه أسماء"، وهما الكلمتان اللتان بدأ بهما السّفر

- **ص1:ص14** يتكلم عن عبودية بني إسرائيل في مصر، إرساله موسى لإخراجهم، **والصراع بين فرعون وإله إسرائيل**، والخروج العظيم وعبور البحر الأحمر، والرحيل إلى سيناء
- وبعد كده من **ص14:ص40** يتكلم عن **العهد الذي تم بين الله وبني إسرائيل**، ويبدأ بالوصايا العشر، والقوانين الأساسية، ثم حادثة عبادة العجل الذهبي، وتشفع موسى لأجل شعبه، ثم توصيات أخرى. وأخيراً، بناء خيمة الاجتماع: مكان سُكنى الله في وسط شعبه تمهيداً لتجسّده واتحاده بنا في ملء الزمان

❖ سفر اللاويين

باليونانية "Leviticus" أي سفر اللاويين أما في العبرية "وَيَقْرَأ Wayyiqra وهذه هي أول كلمة يبدأ بها السّفر في نسخته العبرية، ومعناها باللغة العربية: "ودَعَا" يدور السفر كله حول مفهوم **قداسة الله**، وكيف يمكن لشعبٍ لم يتقدّس أن يتقابل مع الله القدوس ويبقى في علاقة مستمرة معه. فالطريق إلى الله هو من خلال الذبيحة الدموية فقط، والسير مع الله لا يمكن إلا بطاعة وصاياه

- **ص1:ص17** **نظام العبادة الذبائحية** بكل ما يتعلّق من أنواع الذبائح والكهنة المُقدّمين لها وشرائع التطهير والتكفير، وهو ما يمكن أن تُسمّيه: الشرائع التي تؤهّل الشعب للتقرّب إلى الله القدوس
- **ص 18: ص 27** يتكلم عن **شرائع التقديس بالنسبة للشعب والكهنة**، ومراعاة ذلك في عبادتهم، وعند وصولهم إلى أرض الموعد، وفي نذورهم.

❖ سفر العدد

باليونانية Arithmoi، أي الإحصاء، أو العدد الذي منه جاءت التسمية بالعربية، وكذلك الترجمة اللاتينية: NUMERI أما في العبرية

”باميدبار Bemidbar ”في البرية“ وده تسمية الاقرب الى مضمون السفر .

هو السَّفر **يحكي ترحال بني إسرائيل في البرية واختبارهم بالتجارب**

• **ص1 : ص10 إعداد الجيل القديم لكي يرث أرض**

الموعِد: ووقعت هذه أحداث في برية سيناء

• **فشل الجيل القديم** في أن يرث أرض الموعد وده من **ص**

11 : ص26 ووقعت الأحداث في الطريق من سيناء إلى عربات

موآب

• ومن **ص 26 : ص36 إعداد الجيل الجديد لميراث أرض**

الموعِد: وده حصل عند عربات موآب

❖ سفر التثنية

باليوناني Deuteronomion، تتكون من قسمين حيث Deutero تعني ”ثانية“، و nomion تعني ”ناموس“ اما فى العبرى هاديباريم ومعناه: ”هذه هي الكلمات“، وهي الكلمات الافتتاحية للسَّفر باللغة العبرية وفى التسمية العربية: ”التثنية“، أو ”تثنية الاشتراع“، أي إعادة الشريعة

سفر عبارة عن سجل لتجديد العهد مع شعب إسرائيل عند جبل سيناء. فهو بمثابة مراجعة للعهد، وامتداد له، وترسيخ لأحكامه، وفي النهاية إقرار وتوثيق لبنوده.

وهو عبارة عن 3 احاديث لموسى النبي

• الحديث الأول من **ص1:ص4** **ما عمله الله** لشعب اسرائيل

• الحديث الثانى من **ص4:ص26** **ما يتوقعه الله** من شعب

اسرائيل

• الحديث الثالث من **ص27:ص34** **ما سيفعله الله** لشعب

اسرائيل

فى النهاية نقدر نقول بكل بساطة ان الله خلق الانسان واعطاه كل سلطان على الخليقة ولكن الانسان سقط وكسر العهد اللى بينه وبين الله .. فالله جدد العهد مع شخص يدعى ابراهيم ونسله اللى جيه منه شعب اسرائيل **(التكوين)** اللى كانوا عايشين عبيد فى ارض مصر ولكن الله شاف مزلتهم فاخرجهم من ارض مصر على ايد موسى النبي اللى اعطاه الوصايا العشر وخيمة الاجتماع **(الخروج)** ومن هنا انتقل الشعب من الفداء والخلاص من العبودية الى العبادة وممارسة الذبائح والاعياد

(اللاويين) ولكن مع تدمير الشعب في البرية يفضلوا تايهين لمدة 40 سنة عشان يجى جيل جديد غير متزمر ويرث الارض **(عدد)** ويرجع موسى يأكد على العهد وعلي شريعة الله وحفظ وصاياه وان الله هيدى الارض ويحقق الوعد اللى اعطاه لابراهيم **(التثنية)**

«عندما كَمَّلَ موسى كتابة كلمات هذه التوراة في كتاب إلى تمامها، أَمَرَ موسى اللاويين حاملي تابوت عهد الرب قائلاً: "خذوا كتاب التوراة هذا وَضَعُوهُ بجانب تابوت عهد الرب إلهكم ليكون هناك شاهداً عليكم"» (تث 31: 24-26)

احنا هنكمل السلسلة وهنتكلم عن كل سفر من أسفار الشريعة تابعونا في فديوهات اللى جايه محتاجين تشجيعكم ودعمكم لو فديو عجبك شير ولايك

سلامات

ملاحظة تحريرية

النص معروض كما قيل في الفيديو. التواريخ ونسب الكتابة موضوع دراسة كتابية وتاريخية، ويُرجع فيها إلى المراجع المتخصصة.

[العودة إلى الموضوعات ↑](#)

يونان: حقيقة أم خيال؟

شخصيات العهد القديم

الفكرة في دقيقة الإشارات الكتابية إلى يونان والسؤال حول الحدث الذي يقدّمه السفر كمعجزة.

✦ **لقطة سريعة داخل الفيديو** بعد الشواهد الكتابية: ما المرجع الذي يربط يونان بتاريخ إسرائيل؟

[شاهد الفيديو ↗ العودة إلى الموضوعات ↑](#)

يونان حقيقة ام خيال

الكتاب المقدس منذ الاف السنين يواجه كل منتقديه ويخرج منتصرا ليؤكد لنا صحة الكتاب المقدس ، ويؤكد لنا أنه كتاب الله الذى لا يخطئ .. و من اشهر القصص التى تعرضت لنقد هى قصة يونان والحوث .. فهل هى قصة حقيقة ام من صنع الخيال؟؟

اهلا بيكم فى ناناة روحية

يتكلم الكتاب المقدس عن قصة يونان .. فيقول " اما الرب فاعد حوتاً ليبتلع يونان، فكان يونان فى جوف الحوت ثلاثة ايام وثلاثة ليالى " (يو ١: ١٧) ويقول بعد كده "أمر الرب الحوت فقذف يونان الى البر" (يو ٢: ١٠)

ازاى يحصل الكلام ده ؟؟ وهل ده قصة حقيقة ينفع تحصل ؟؟ ... وازاي يونان يفضل حى فى بطن الحوت ؟

عشان نحل اللغز ده مع بعض فى نقطتين لازم نتكلم فيهم

١- يونان ده شخصية حقيقة ولا بطل خيالى .

شخصية حقيقة .. طب ليه

• قصته واسمه واسم ابيه ومكان اقامته واسم الملك اللى كان بيحكم البلاد فى

وقته كله ده هتلقينه موجود فى سفر الملوك الثانى (٢مل ١٤: ٢٥)

• والسيد المسيح بنفسه اتكلم عن يونان لما رحلوه الكتبه والفريسيين يسألوه عن

معجزة قالهم " جيل شرير وفاسق يطلب آية ولا تعطى له آية الا آية يونان

النبي ،لأنه كما كان يونان فى بطن الحوت ثلاثة ايام وثلاث ليال هكذا

يكون ابن الانسان فى قلب الارض ثلاثة ايام وثلاث ليال (مت ١٢: ٣٩-٤٠).

- وبرده السيد المسيح لما جه يبكت اليهود قالهم " فى الدينونة سيقوم اهل نينوى ويدينون هذا الجيل لانهم تابوا قديماً بمناداة يونان " (مت ١٢: ٤١)

يبقى شخصية يونان شخصية حقيقة

٢- الحوت

اذا كانت شخصية يونان شخصية حقيقية ، يبقى المشكلة فى .. فى الحوت ...
يعنى ايه الكلام ده .. يعنى هل الحوت ده يقدر يبلع انسان ويفضل الانسان ده
حتى ٣ ايام !!!؟ ايه رأيكم ؟
تعالوا نشوف :

أولاً: لازم نعرف شوية معلومات علمية عن الحيتان .

- ١- بتتعتبر من الثدييات
- ٢- بتتنفس بالرئتين مش بالخياشيم
- ٣- تتميز بالدم الحار اللى بيخلى حرارة جسمها مرتفعة حتى فى البحر
- ٤- قلبها ذى ثدييات فيه ٤ حجرات
- ٥- تتميز بضخامة ذى الحوت الازرق ممكن يوصل حجمها الى ٢٩ متر يعنى تقريباً ١٠ تدوار

ثانياً : انواع الحيتان

فى نوعين

١- حيتان مفترسة تسمى ذوات الاسنان .. وده بقى تصطاد الفريسة وتقطعها

وبتعمد فى اكلها على الثدييات البحرية والحبار واسماك اخرى

٢- عديمة الاسنان ده بقى

- اكبر حجماً يتراوح طولها من ٧٥:٩٥ قدم ووزنه ١٥٠ طن
 - يتميز بضيق البلعوم عشان كده بياكل الطحالب وصغار الاسماك
 - معندهاش اسنان لكن بدلها صفائح عضلية رقيقة ذى شوك السمك
 - تتميز بمعدة ضخمة تصل الى ٦ حجرات
 - يتنفس على سطح الماء من خلال فتحة فى قمة الراس
 - يتميز اذا ابتلع جسم كبير يحوله الى تجويف الهواء واول لما يقرب من الشاطئ يرميه هناك .
 - يتميز بالسفر لمسافات طويلة .
- عشان كده نقدر نقول أن الحوت اللى بلع يونان هو من نوعية الحيتان اللى هى عديمة الاسنان .. ليه ... لان كل صفات نوع ده تنفع انها تبلع حد ذى يونان حجمه كبير وتخزنه فى حجرة التهوية ويفضل عايش
- نفهم ايه بعد كل ده .. نفهم ان قصة يونان والحوت مش قصة خيالية لا
- ده قصة حقيقية**

سلاااااامات

ملاحظة تحريرية

النص معروض كما قيل في الفيديو. الكتاب المقدس لا يحدد نوع الحيوان أو آلية بقاء يونان؛ لذلك تُفهم الواقعة في سياقها كمعجزة كتابية، لا كتفسير بيولوجي يمكن إثباته.

[العودة إلى الموضوعات ↑](#)